

ხელშეკრულება სახელმწიფო შესყიდვის შესახებ

ქ. თბილისი

2021 წელი

ერთი მხრივ (შემსყიდველი): სსიპ „იუსტიციის სახლი“

წარმოდგენილი

საიდენტიფიკაციო კოდი: 204 580 202

მისამართი: ქ. თბილისი, სანაპიროს ქ.№ 2

მიმღები: სახელმწიფო ხაზინა

ბანკის კოდი: TRESGE22

სახაზინო კოდი: 707467520

მეორეს მხრივ (მიმწოდებელი):

წარმოდგენილი მისი

საიდენტიფიკაციო კოდი:

მისამართი:

ბანკის დასახელება:

ბანკის კოდი:

IBAN:

წინამდებარე ხელშეკრულება გაფორმებულია სახელმწიფო შესყიდვების შესახებ საქართველოს კანონის 10¹ მუხლის პირველი პუნქტის და სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტის შესაბამისად, პრეტენდენტის „სატენდერო წინადადების საფუძველზე, NAT ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1 ხელშეკრულება სახელმწიფო შესყიდვის შესახებ (შემდგომში – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2 ხელშეკრულების ღირებულება – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 დღე, კვირა, თვე – კალენდარული დღე, კვირა, თუ ხელშეკრულებით სხვა რამ არ არის გათვალისწინებული.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს სამუშაოს შესრულებას ამ ხელშეკრულების ფარგლებში.
- 1.6 „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ჩარიცხული თანხა“ – მიმწოდებლის რეკვიზიტზე ჩარიცხული თანხა.

2. ხელშეკრულების საგანი

- 2.1 ხელშეკრულების საგანს წარმოადგენს:
 - სსიპ იუსტიციის სახლის ფოთის ფილიალში გათბობის, ვენტილაციისა და კონდიციონერების სისტემის (ჩილერი) მონტაჟის სამუშაოების შესყიდვა.
 - CPV კოდი: 45331000 - გათბობის, ვენტილაციისა და კონდიციონერების სისტემების მონტაჟი.
- 2.2 სამუშაოების შესრულებული უნდა იქნას სატენდერო დოკუმენტაციის, ტექნიკური დავალების, პროექტისა და ხელშეკრულებაზე თანდართული სახარჯთაღრიცხვო დოკუმენტაციის (დანართი N1) შესაბამისად, რომლებიც წარმოადგენს მის განუყოფელ ნაწილს. ამასთან, ხელშეკრულების ძირითად ტექსტსა და მის დანართებს შორის წინააღმდეგობის/შეუსაბამობის არსებობის შემთხვევაში უპირატესობა მიენიჭება ხელშეკრულების პირობებს.

3. ხელშეკრულების ღირებულება

- 3.1. ხელშეკრულების ღირებულება შეადგენს: ----- (თანხა სიტყვიერად) ლარს.
- 3.2. ხელშეკრულების ღირებულება მოიცავს წინამდებარე ხელშეკრულების შესრულებასთან დაკავშირებით მიმწოდებლის მიერ გასაწევ ყველა ხარჯს, მათ შორის საქართველოს მოქმედი კანონმდებლობით დადგენილ ყველა გადასახადს.
- 3.3. ხელშეკრულების ღირებულება შეიძლება დაკორექტირდეს ფაქტობრივად გაწეული სამუშაოების მიხედვით, ან/და ექსპერტიზის დასკვნის შესაბამისად.
- 3.4. დაფინანსების წყარო: შემსყიდველი ანგარიშსწორებას განახორციელებს იუსტიციის სახლის 2022 წლის საკუთარი შემოსავლების ფარგლებში.

4. მიწოდების ადგილი და ვადები:

- 4.1. შესყიდვის ობიექტის მიწოდების ვადაა ხელშეკრულების გაფორმებიდან ----- დღე
- 4.2. სამუშაოს შესრულების ადგილი: სსიპ იუსტიციის სახლის ფოთის ფილიალი, ქ.ფოთი, რუსთაველის რკალი N26.

5. მხარეთა უფლებები და ვალდებულებები:

- 5.1. მიმწოდებელი ვალდებულია:
 - 5.1.1. განახორციელოს სამუშაოს შესრულება წინამდებარე ხელშეკრულების პირობებისა და მოქმედი სამშენებლო

სტანდარტების დაცვით.

- 5.1.2. წარუდგინოს შემსყიდველს სამუშაოთა შესრულების შესახებ ფორმა, რომელიც ასახავს შესრულებული სამუშაოს მოცულობასა და ღირებულებას (შემდგომში „ფორმა N2“).
- 5.1.3. განიხილოს შემსყიდველის ნებისმიერი პრეტენზია და არაუგვიანეს 3 (სამი) სამუშაო დღის ვადაში წარუდგინოს მოტივირებული პოზიცია ყველა დასმულ საკითხთან დაკავშირებით;
- 5.1.4. შემსყიდველის მოთხოვნის შემთხვევაში, მიმწოდებელი ვალდებულია სამუშაოთა წარმოებისას გამოსაყენებელი მასალის/მოწყობილობის ნიმუშები წარუდგინოს შემსყიდველს მისი ხარისხისა და სხვა მახასიათებლების შეთანხმების მიზნით;
- 5.1.5. მასალა/მოწყობილობები უნდა იყოს ახალი, არ უნდა იყოს გამოყენებული (გეორადი მოხმარების) და შეესაბამებოდეს შემსყიდველთან შეთანხმებულ ნიმუშებსა და ამ სფეროში აღიარებულ სტანდარტებს;
- 5.1.6. შემსყიდველის მოთხოვნის შემთხვევაში, შემსყიდველს მიაწოდოს შესაბამისი სერტიფიკატები სამუშაოების შესრულების პროცესში გამოყენებულ მასალებსა და მოწყობილობებზე, ხოლო ასეთის შეუძლებლობის შემთხვევაში - შემსყიდველმა მოითხოვოს ექსპერტიზის დასკვნით ხარისხის დადასტურება, რომლის ხარჯები ეკისრება მიმწოდებელს. გამოყენებული მასალის ხარისხის საექსპერტიზოს მტკიცების ტვირთი ეკისრება მიმწოდებელს;
- 5.1.7. სამუშაოების შესრულების პროცესში გამოსაყენებელი მასალებისა და მოწყობილობების ტიპი და ვიზუალურტექნიკური მახასიათებლები (ხარისხი, ფაქტურა, ფერი და სხვ.) თანხმდება შემსყიდველთან. იმ შემთხვევაში, თუ მიმწოდებლის მიერ წარმოდგენილი მასალა ან მოწყობილობა ან შესრულებული სამუშაო არ შეესაბამება აღიარებულ სტანდარტებს და შემსყიდველი ორგანიზაციის მოთხოვნებს, მიმწოდებელი ვალდებულია, თავისი ხარჯით აღმოფხვრას ასეთი შეუსაბამობა (გამოსაწიროს დეფექტი ან, ჩაანაცვლოს შემსყიდველისათვის მისაღები მასალით, მოწყობილობით ან/და სხვაგვარად შეასრულოს სამუშაო).
- 5.1.8. უზრუნველყოს სარემონტო ადგილის შემოსაზღვრა და დამცავი გამაფრთხილებელი ნიშნების დაყენება. სამუშაოს შესრულება უზრუნველყოს მოქმედი ნორმებისა და სტანდარტების სრული დაცვით; სამუშაოს შესრულების პროცესში ზედმიწევნით დაიცვას სახანძრო, სანიტარული და უსაფრთხოების ნორმები. სამუშაოების წარმოებისას საკუთარი თანამშრომლებისა თუ მესამე პირების მიმართ გამოწვეულ ნებისმიერ შესაძლო ზიანზე პასუხისმგებელია მიმწოდებელი და ამ კუთხით არავინ შეიძლება დააყენოს რაიმე სახის მოთხოვნა შემსყიდველის მიმართ;
- 5.1.9. სამუშაოების შესრულების პროცესში მინიმუმამდე დაიყვანოს მუშაობით გამოწვეული ხმაური, ვიბრაცია და მტვრის გაფრცელება;
- 5.1.10. მუშაოები შესასრულოს „მშენებლობის უსაფრთხოების წესების დამტკიცების შესახებ“ საქართველოს მთავრობის 2007 წლის 28 მარტის N62 დადგენილების შესაბამისად;
- 5.1.11. სამუშაოს მასშტაბის შესაბამისად სამუშაოს შესრულება უზრუნველყოს შესაბამისი რაოდენობის, სანდო, სათანადო უნარ/ჩვევების მქონე პერსონალით;
- 5.1.12. ნაკისრი ვალდებულებების დარღვევის შემთხვევაში, აღნიშნულის შედეგად წარმოშობილ ზიანზე სრული პასუხისმგებლობა დაეკისრება მიმწოდებელს;
- 5.1.13. სრულად ანაზღაუროს ან/და საკუთარი ხარჯით აღმოფხვრას სამუშაოს შესრულების პროცესში მისი მიზეზით (მ/შ გაუფრთხილებლობით) შემსყიდველისთვის ან/და მესამე პირისთვის მიყენებული ზიანი (ზარალი).
- 5.1.14. სამუშაოების მიმდინარეობისას მოსალოდნელი ნეგატიური შედეგების თავიდან აცილებისა და შესაბამისი სამოქმედო ინსტრუქციის (გეგმის) ერთობლივად შემუშავების მიზნით, პრობლემისა და სავარაუდო ნეგატიური შედეგების დეტალური აღწერილობა წერილობით წარუდგინოს ინსპექტირების ჯგუფს;
- 5.1.15. ხელშეკრულებასთან დაკავშირებული ნებისმიერი ინფორმაცია ან/და შეტყობინება შემსყიდველს მიაწოდოს (წარუდგინოს) წერილობით ან/და ელ.ფოსტის საშუალებით.
- 5.1.16. საკუთარი ხარჯით უზრუნველყოს სამუშაო ფართის დასუფთავება, ნარჩენების, სამუშაოების დროს წარმოქმნილი ნაგვის მოგროვება და ტერიტორიიდან გატანა. იმ შემთხვევაში, თუ მიმწოდებელი თავს არიდებს წინამდებარე ვალდებულების შესრულებას, შემსყიდველი უფლებამოსილია, საკუთარი ხარჯით უზრუნველყოს ობიექტის დასუფთავება და გაწეული ხარჯი დაუქვითოს მიმწოდებელს საბოლოო ანგარიშსწორებისას ან მოსთხოვოს მისი ანაზღაურება;
- 5.1.17. ყოველდღიურად აწარმოოს შესრულებული სამუშაოების აღრიცხვის ჟურნალი. ამასთან, ინსპექტირების განმახორციელებელ პირს უნდა ჰქონდეს შესაძლებლობა დაუბრკოლებლად გაეცნოს აღრიცხვის ჟურნალს და მიიღოს ჟურნალის ჩანაწერების ასლები.
- 5.1.18. ობიექტზე არ დაუშვას ისეთი პირების ყოფნა, რომლებმაც შესაძლოა რაიმე ფორმით ხელი შეუშალოს სამუშაოების უსაფრთხოდ წარმოებას და პროექტის განხორციელებას (გამოიწვიონ სამუშაოთა შეფერხება, არსებობს მაღალი რისკი უსაფრთხოების ნორმების დარღვევისა და სხვ.). ასეთი პირების შესახებ მითითება შეიძლება ასევე გასცეს შემსყიდველმა, რომლის გათვალისწინებაც მიმწოდებლისთვის სავალდებულოა.
- 5.1.19. დაუყოვნებლივ მიაწოდოს შემსყიდველს სრული ინფორმაცია ყველა იმ გარემოების შესახებ, რომელიც შესაძლებელია გავლენას ახდენდეს ხელშეკრულებით განსაზღვრული ვალდებულებების შესრულებაზე, ან ქმნიდეს/ზრდიდეს საფრთხეს ასეთი შესრულებისათვის. მიმწოდებელი ვალდებულია შემსყიდველს მიაწოდოს ასეთი ინფორმაციის ამსახველი მის ხელთ არსებული დოკუმენტაცია.
- 5.1.20. შემსყიდველის მოთხოვნით მას წარუდგინოს ინფორმაცია და მის ხელთ არსებული შემდეგი სახის დოკუმენტაცია:
 - 5.1.20.1 არსებობის შემთხვევაში ქვეკონტრაქტორების/დაქირავებული პირების შესახებ (ასევე შესაბამისი ურთიერთობის დამადასტურებელი დოკუმენტები).
 - 5.1.20.2 არსებობის შემთხვევაში ქვეკონტრაქტორების/დაქირავებული პირების მხრიდან შესასრულებელი ვალდებულებების ამსახველი ინფორმაცია და დოკუმენტაცია.
 - 5.1.20.3 მიმწოდებლის სხვა (მესამე პირების წინაშე ნაკისრი) ვალდებულებების შესახებ (შესაბამისი მტკიცებულებების წარმოდგენის ჩათვლით). ამასთან, შემსყიდველი უფლებამოსილია მოითხოვოს მესამე პირებისაგან ასეთი ინფორმაცია პირდაპირ ასეთი მესამე პირებისაგან, რაზედაც მიმწოდებელი წინასწარ აცხადებს თანხმობას

წინამდებარე ხელშეკრულებაზე ხელმოწერით.

- 5.1.20.4 კანონმდებლობით განსაზღვრული საგადასახადო ვალდებულებების არსებობისა და მისი შესრულების შესახებ
- 5.1.20.5 სხვა ინფორმაცია და დოკუმენტაცია, რომელიც დაკავშირებულია მიმწოდებლის მიერ ნაკისრი ვალდებულებების შესრულების შესაძლებლობების არსებობის შეფასებისათვის
- 5.1.20.6 გადასცეს შემსყიდველს ფაქტობრივად შესრულებული სამუშაოების ფორმა N2-ში გათვალისწინებული საქონელი, მომსახურება და სამუშაო უფლებრივი და ნივთობრივი ნაკლისაგან თავისუფალ მდგომარეობაში.
- 5.1.21. წინამდებარე ხელშეკრულების დანართებს შორის რაიმე სახის ურთიერთშეუსაბამობის აღმოჩენის შემთხვევაში, მიმწოდებელი ვალდებულია, ხსენებული საკითხის აღწერით წერილობით მიმართოს შემსყიდველს ასეთი გარემოების გამოვლენიდან არაუგვიანეს 3 (სამი) დღის ვადაში. თავის მხრივ, შემსყიდველი ხსენებულ შეუსაბამობასთან დაკავშირებით მიმწოდებელს სავალდებულოდ შესასრულებელ მითითებას აძლევს არაუგვიანეს 10 (ათი) დღის განმავლობაში. ამ მოთხოვნის დარღვევის შემთხვევაში, მიმწოდებელი კარგავს უფლებას, დაეყრდნოს შეუსაბამობის ფაქტს ხელშეკრულებით ნაკისრი ვალდებულების შეუსრულებლობისას.
- 5.1.22. სამუშაოს შესრულების პროცესში გამოყენებული ყველა ტექნიკური აღჭურვილობა და ინსტრუმენტი უნდა იყოს მუშა მდგომარეობაში, მათი ექსპლუატაცია უნდა ხდებოდეს მწარმოებლის მიერ განსაზღვრული წესით. ტექნიკური აღჭურვილობის და ინსტრუმენტის ექსპლუატაციისას დაუშვებელია არაქარხნული (კუსტარული) წესით დამზადებული დეტალის ან/და სათადარიგო ნაწილის გამოყენება.
- 5.1.23. სამუშაოს შესრულების პროცესში უზრუნველყოს ხარისხისა და სამუშაოების მიმდინარეობის ზედამხედველობისა და კონტროლის განმახორციელებელ პირთა მიერ გაცემული, როგორც ზეპირი ასევე წერილობითი რეკომენდაციების და მითითებების შესრულება.
- 5.1.24. განახორციელოს ამ ხელშეკრულებით მასზე დაკისრებული სხვა ვალდებულებები.

5.2. შემსყიდველი ვალდებულია:

- 5.2.1. უზრუნველყოს მიმწოდებლისათვის შესრულებული სამუშაოს ღირებულების ანაზღაურება ამ ხელშეკრულებით გათვალისწინებული პირობების და ვადების შესაბამისად;
- 5.2.2. განახორციელოს ამ ხელშეკრულებით მასზე დაკისრებული სხვა ვალდებულებები

5.3. შემსყიდველი უფლებამოსილია:

- 5.3.1. ნებისმიერ დროს და ნებისმიერი ფორმით (მათ შორის, ექსპერტის მოწვევის გზით) შეამოწმოს მიმწოდებლის მიერ წინამდებარე ხელშეკრულებით ნაკისრი ვალდებულების შესრულება და მისი ხარისხი. მიმწოდებლის მხრიდან ხელშეკრულების ნებისმიერი პირობის დარღვევის აღმოჩენის შემთხვევაში შემსყიდველი უფლებამოსილია, მიმწოდებელს შეუჩეროს თანხის გადახდა. ასეთი საფუძვლით გადახდის შეჩერების შემთხვევაში მიმწოდებელი არ თავისუფლდება წინამდებარე ხელშეკრულებით ნაკისრი ვალდებულებების გეგმა-გრაფიკის შესაბამისად შესრულებისაგან.
- 5.3.2. უზრუნველყოს შესრულებული სამუშაოს ინსპექტირება და ამისათვის მოითხოვოს სრული ინფორმაციის, დოკუმენტაციის, სხვა მტკიცებულებების წარდგენა, მოსთხოვოს ამავე მიზნით განმარტებები უშუალოდ მიმწოდებელს ან მის ქვეკონტრაქტორებს (დაქირავებულ პირებს).
- 5.3.3. ხელშეკრულების მიმდინარეობის ნებისმიერ ეტაპზე მოსთხოვოს მიმწოდებელს შესყიდვის ობიექტთან დაკავშირებული, ნებისმიერი ტიპის საქონლის, მომსახურებისა და სამუშაოს შესყიდვის დამასასტურებელი დოკუმენტაციის წარმოდგენა.

6. საგარანტიო პირობები და ვადები

- 6.1. მიმწოდებლის მიერ წინამდებარე ხელშეკრულების საფუძველზე შესრულებული სამუშაოები უნდა შეესაბამებოდეს მოქმედ სტანდარტებს და ნორმებს.
- 6.2. მიმწოდებლის მიერ შესრულებულ სამუშაოებზე საგარანტიო ვადა უნდა შეადგენდეს მიღება-ჩაბარების გაფორმების დღიდან - არანაკლებ 1 (ერთ) წელს;
- 6.3. საგარანტიო პერიოდის განმავლობაში, ექსპლუატაციის პირობების დაცვის პირობებში, დეფექტის ან ხარვეზის აღმოჩენის შემთხვევაში მიმწოდებელი ვალდებული იქნება გამოვლენილი დეფექტი გამოსწოროს შემსყიდველთან შეთანხმებულ ვადაში, თავისი ხარჯებით, შემსყიდველის მხრიდან ხარჯის გაწევის გარეშე.
- 6.4. მიმწოდებლის მიერ, ხელშეკრულების 6.3. პუნქტში მითითებული ვალდებულების შეუსრულებლობის შემთხვევაში, შემსყიდველს ორგანიზაციას უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების სრულად ანაზღაურება.

7. ხელშეკრულების შესრულების კონტროლი (ინსპექტირება)

- 7.1. გაწეული მომსახურების ხარისხისა და შესრულებასთან დაკავშირებული სხვა ნებისმიერი საკითხის შემოწმების მიზნით, ხელშეკრულების ინსპექტირებას განახორციელებს სსიპ „იუსტიციის სახლის“ ინფრასტრუქტურის განვითარებისა და ლოჯისტიკის სამსახური. შემსყიდველს უფლება აქვს საკუთარი შეხედულებისამებრ ჩართოს ინსპექტირების პროცესში სხვა პირები, რომელთა ჩართვასაც ის ჩათვლის მიზანშეწონილად.
- 7.2. შემსყიდველს ორგანიზაციას უფლება აქვს განახორციელოს ინსპექტირება მიმწოდებლის მიერ ხელშეკრულებით ნაკისრი ვალდებულებების შესრულებაზე ხელშეკრულების მოქმედების ნებისმიერ ეტაპზე, შეუზღუდავად.
- 7.3. შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება წუნი, მიმწოდებელი ვალდებულია, გამოსწოროს წუნი, თუ წუნი გამოწვეულია მიმწოდებლის ბრალით, ან თუ მიმწოდებელი ვერ შეძლებს წუნის გამოსწორებას შეთანხმებულ ვადაში და შემსყიდველს გადახდილი აქვს ამ წუნდებული სამუშაოს ღირებულება, მიმწოდებელი ვალდებულია, წუნდებული სამუშაოს საფასური შემსყიდველს დაუბრუნოს შეთანხმებული ვადის დასრულებიდან არაუმეტეს 5 (ხუთი) სამუშაო დღის ვადაში.

- 7.4. შემსყიდველი უფლებამოსილია მოითხოვოს ნებისმიერი სახის ინფორმაცია და ანგარიშების მიწოდება მიმწოდებლისაგან, რომელიც უკავშირდება სამუშაოთა მიმდინარეობას, მის ხარისხს, ან/და ნაკისრი სხვა ვალდებულებების ჯეროვნად შესრულებას.
- 7.5. მიმწოდებელი პასუხისმგებელია ინსპექტირებისა და ვალდებულებების შესრულების პროცესის კონტროლის მიზნით შემსყიდველისათვის მიწოდებული ინფორმაციისა და ანგარიშების სისწორეზე და ნამდვილობაზე.
- 7.6. წინამდებარე ხელშეკრულებით განსაზღვრული ინსპექტირების განხორციელება წარმოადგენს შემსყიდველის უფლებას და არა ვალდებულებას, შესაბამისად ხსენებული მექანიზმი გამოიყენება შემსყიდველის შეხედულებისამებრ.

8. მომსახურების მიღება-ჩაბარების წესი

- 8.1. მიმწოდებლის მიერ ხელშეკრულებით ნაკისრი ვალდებულებების როგორც ეტაპობრივი, ასევე საბოლოო შესრულება, დასტურდება მხარეთა შორის შედგენილი მიღება-ჩაბარების აქტების გაფორმების გზით.
- 8.2. როგორც ეტაპობრივი, ასევე შემაჯამებელი/საბოლოო მიღება-ჩაბარების აქტის გაფორმებისათვის მიმწოდებელი ვალდებულია წარუდგინოს შემსყიდველს შესაბამისი სამუშაოს შესრულების დასადასტურებლად საჭირო ინფორმაცია და დოკუმენტაცია - ფორმა N2
- 8.3. შემსყიდველს უფლება აქვს, მიღება-ჩაბარების აქტზე ხელმოწერისას მიმწოდებელს მოსთხოვოს მშენებლობაზე დასაქმებულ პერსონალთან სახელფასო დავალიანების არქონის შესახებ დოკუმენტაციის წარდგენა და არ დაწეროს ხელი მიღება-ჩაბარების აქტს ამ დოკუმენტაციის წარდგენამდე. ამ უფლებით სარგებლობა შემსყიდველს შეუძლია მიღება-ჩაბარების შემდგომაც, რა შემთხვევაშიც ინფორმაციის წარდგენამდე შემსყიდველი უფლებამოსილია შეაჩეროს თანხის გადახდა.

9. ანგარიშსწორება

- 9.1. ანგარიშსწორება განხორციელდება შემდეგი პირობებით:
 - 9.1.1. ანგარიშსწორების ვალუტა – ლარი.
 - 9.1.2. ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
 - 9.1.3. ანგარიშსწორება განხორციელდება ეტაპობრივად, ფაქტობრივად შესრულებული სამუშაოს მიხედვით, შესაბამისი საგადასახადო ანგარიშ-ფაქტურის, ფორმა N2-ის წარმოდგენისა და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

10. ხელშეკრულების შესრულების შეფერხება

- 10.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.
- 10.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად. იმ შემთხვევაში, თუ ზემოაღნიშნული შეფერხება გასტანს 1 (ერთ) თვეს ან მეტხანს, შემსყიდველს უფლება აქვს, შეწყვიტოს ხელშეკრულება.

11. ხელშეკრულების პირობების შეუსრულებლობა

- 11.1. წინამდებარე ხელშეკრულების 4.1 პუნქტის განსაზღვრული სამუშაოების შესრულების ვადების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ჯამური ღირებულების 0.2%-ის ოდენობით.
- 11.2. წინამდებარე ხელშეკრულების 7.3. პუნქტით განსაზღვრული პირობის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ჯამური ღირებულების 0.1%-ის ოდენობით.
- 11.3. ხელშეკრულების 6.3. პუნქტით გათვალისწინებული შეთანხმებული ვადის დარღვევის შემთხვევაში, ან არაჯეროვნად შესრულების შემთხვევაში, ყოველ ვადაგადაცილებულ დღეზე მიმწოდებელს ეკისრება პირგასამტეხლო ხელშეკრულების საერთო ღირებულების 0.1%-ის ოდენობით.
- 11.4. წინამდებარე ხელშეკრულების 9.2. პუნქტებით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია, დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0.1%-ის ოდენობით.
- 11.5. მიმწოდებლის მიერ ხელშეკრულებით ნაკისრი ვალდებულებების შეუსრულებლობის, ნაწილობრივი შესრულების ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო შეუსრულებელი სამუშაოს ღირებულების 10%-ის ოდენობით.
- 11.6. იმ შემთხვევაში თუ ხელშეკრულების მოქმედების ვადის გასვლის შემდეგ, მიმწოდებლის მიერ ხელშეკრულებით აკისრი ვალდებულებები შეუსრულებელია, შემსყიდველს უფლება აქვს დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით.
- 11.7. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- 11.8. მხარეები უფლებამოსილი არიან განახორციელონ ურთიერთმოთხოვნათა გაქვითვა. ვალდებულებათა გაქვითვა შესაძლებელია მაშინაც, როცა ერთ-ერთი მოთხოვნის შესრულების ვადა ჯერ არ დამდგარა, მაგრამ ამ მოთხოვნის უფლების მქონე მხარს უჭერს გაქვითვას. ვალდებულებათა გაქვითვა ხორციელდება მეორე მხარისათვის შეტყობინებით.

11.9.შემსყიდველი უფლებამოსილია მიმწოდებლის მიერ ხელშეკრულების პირობების შეუსრულებლობის გამო დაკისრებული პირგასამტეხლოსა და ჯარიმების გადახდა უზრუნველყოს ხელშეკრულების შესრულების უზრუნველყოფის გარანტიის ამოქმედებით, საბოლოო მიღება-ჩაბარების აქტის საფუძველზე.

12. ხელშეკრულებაში ცვლილებების შეტანა

- 12.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.
- 12.2. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის. გამონაკლისს წარმოადგენს საქართველოს სამოქალაქო კოდექსის 398-ე მუხლით გათვალისწინებული შემთხვევები, რა დროსაც, შესაბამისი გარემოების გამოვლენიდან არაუგვიანეს 7 (შვიდი) დღისა, მიმწოდებელმა წერილობით უნდა აცნობოს შემსყიდველს ამ გარემოების წარმოშობისა და მათი გამომწვევი მიზეზების შესახებ, ასევე დაურთოს ამ გარემოებათა დამადასტურებელი მტკიცებულებები. შემსყიდველი უფლებამოსილია მოსთხოვოს მიმწოდებელს ასეთი გარემოებების დაზუსტება და დამატებით მტკიცებულებების წარდგენა. შემსყიდველი უფლებამოსილია დამოუკიდებლადც მოიპოვოს მესამე პირებისგან ასეთი ინფორმაცია და მოიპოვოს მტკიცებულებები.
- 12.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, ხელშეკრულების ჯამური ღირებულების გაზრდა დასაშვებია არაუმეტეს 10%-ით.
- 12.4. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. დავების გადაწყვეტა

- 13.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.
- 13.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

14. ხელშეკრულების შეწყვეტა

- 14.1. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.
- 14.2. წინამდებარე ხელშეკრულების ნაწილის ბათილობა არ იწვევს მისი დანარჩენი პირობების ბათილობას და მხარეებს ეკისრებათ მათი განუხრელად დაცვის ვალდებულება.
- 14.3. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.
- 14.4. შემსყიდველი უფლებამოსილია, ცალმხრივად მოშალოს ხელშეკრულება:
- 14.4.1. თუ მიმწოდებლის მიმართ დაიწყო გადახდისუუნარობის საქმის წარმოება, ასევე თუ მიმწოდებლის მიმართ დაწყებულია იძულებითი აღსრულება, რომლის ოდენობაც აღემატება ამ ხელშეკრულების ღირებულების 20%-ს (ასევე, როდესაც ასეთი აღსრულების დაწყება მოსალოდნელია და მიმწოდებელს არ შესწევს უნარი დაფაროს ვადამოსული ასეთი ვალდებულება).
- 14.4.2. მიმწოდებლის მიერ სამუშაოების ვადის 7 (შვიდი) კალენდარულ დღეზე მეტი დაგვიანების შემთხვევაში
- 14.4.3. თუ მიმწოდებელი არ ასრულებს ხელშეკრულებით ნაკისრ ვალდებულებებს და არსებობს მაღალი ალბათობა იმისა, რომ არც მომავალში აპირებს/მოახერხებს მათ შესრულებას.
- 14.4.4. საქართველოს კანონმდებლობით გათვალისწინებულ სხვა შემთხვევებში.
- 14.5. იმ შემთხვევაში, თუ მიმწოდებელი არღვევს (რაშიც იგულისხმება ასევე ვალდებულებების შესრულების გაჭიანურება საამისოდ აუცილებელი ობიექტური მიზეზის დასახელებისა და დასაბუთების გარეშე) ამ ხელშეკრულებით მასზე დაკისრებულ ისეთ ვალდებულებებს, რომელიც უკავშირდება შემსყიდველისათვის ინფორმაციის მიწოდებას, რაც, თავის მხრივ, შემსყიდველისათვის გამოყენებული უნდა იქნას ვალდებულებების ჯეროვანად შესრულების პროცესის კონტროლისათვის, ხელშეკრულების მოშლისათვის არ მოითხოვება დამატებითი ვადის დაწესება ან/და დამატებითი გაფრთხილება.

15. კონფიდენციალურობის დაცვა

- 15.1. მხარეები თანხმდებიან, რომ ამ ხელშეკრულების ფარგლებში თანამშრომლობის პროცესში მათთვის შესაძლოა ზეპირად, წერილობით, გამოსახულებით ან ელექტრონული მატარებლების საშუალებით ხელმისაწვდომი გახდეს ინფორმაცია, რომლის მესამე პირისთვის გამჟღავნება კონტრაქტის მიზანშეუწონლად შეიძლება მიაჩნდეს. ასეთ შემთხვევაში მეორე მხარემ ხსენებული ინფორმაცია არ უნდა გახადოს მესამე პირისთვის ხელმისაწვდომი.
- 15.2. წინამდებარე მუხლის 15.1. პუნქტით დადგენილი შეზღუდვისას შემსყიდველს არ შეიძლება მოეთხოვოს იმ ინფორმაციის დაფარვა მესამე პირებისგან, რომელიც, საქართველოს კანონმდებლობის შესაბამისად, აღიარებულია საჯარო ინფორმაციად.
- 15.3. კონფიდენციალობის დაცვის ვალდებულება ინარჩუნებს იურიდიულ ძალას ხელშეკრულების მოქმედების ვადის მიუხედავად.

16. მხარეთა კომუნიკაციის პირობები

- 16.1. მხარეები ერთმანეთის ინფორმირებას ახდენენ ამ მუხლში მითითებული ელექტრონული ფოსტის მეშვეობით, სატელეფონო ან/და წერილობით.

- 16.2. ხელშეკრულების პირობების შესრულებასთან დაკავშირებულ საკითხებზე მხარეთა უფლებამოსილი პირები არიან: შემსყიდველის მხრიდან - ----- (ტელ.: 5-----); მიმწოდებლის მხრიდან - (ტელ.: ელფოსტა; -----).
- 16.3. მიმწოდებელი ვალდებულია, შემსყიდველთან ნებისმიერი სახის კომუნიკაცია აწარმოოს მხოლოდ წერილობით.
- 16.4. შემსყიდველის მხრიდან მიმწოდებელთან კომუნიკაცია შესაძლებელია განხორციელდეს როგორც ამ მუხლში მითითებულ ელფოსტაზე გზავნილით, ისევე ამავე მუხლში მითითებულ უფლებამოსილ პირთან სატელეფონო კომუნიკაციითა და/ან წერილობით. ყველა ამ ფორმით გადაცემული ინფორმაცია ოფიციალურ ძალას ატარებს.
- 16.5. მიმწოდებელი ვალდებულია, წინამდებარე მუხლში მითითებული მონაცემების ცვლილების შესახებ დაუყოვნებლივ აცნობოს შემსყიდველს. წინააღმდეგ შემთხვევაში, გაგზავნილი ინფორმაცია ჩაითვლება სათანადო წესით მიწოდებულად.

17. ფორს-მაჟორი

- 17.1. წინამდებარე ხელშეკრულების დამდეგი რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
- 17.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.
- 17.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

18. ხელშეკრულების მოქმედების ვადა

- 18.1. წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2022 წლის -- ---- ჩათვლით, ხოლო საგარანტიო ნაწილში ხელშეკრულების მე-6 მუხლის შესაბამისად.